

M106: Heinrich, Reinhart Fuchs (S)

0,588 [...]c[...] eht dc [...] sin .
0,589 ez gie vz un- in .
0,590 als ein bescintiz stabilin .
0,591 Isingrin horte mere .
0,592 div warin ime swere .
0,593 er viel uor leide in unmaht .
0,594 er wisse weder was dac od' naht .
0,595 des lachete kovnin .
0,596 do kan ze sich h' Isigrin .
0,597 er sprach "scraz ih han arbeit .
0,598 dar zuo hast du mir geseit . mit
0,599 lugin leidiv mere
0,600 obe ich so gauch ware .
0,601 daz ih ez wolte gelovben .
0,602 ez gienge dir an div ovgen .
0,603 hate ih dih hie nidere .
0,604 dv en komist niem' widere ."
0,605 kuonin antwurte sus .
0,606 er sprach "alter govch dv bist cus ."
0,607 Isigrin hulen began
0,608 frowe h'sint schiere kam .
0,609 also daten ovch die sune sin .
0,610 des frowete sich do isingrin .
0,611 weinunde er zuo in sprach .
0,612 "alsus g'ne ich ivch nie gesach .
0,613 liebin sune unde wib .
0,614 io han ich uerlorn minen lip .
0,615 daz hat mir R getan .
0,616 daz lant ime an daz lebin gan .
0,617 dar zuo hat mir kuonen .
0,618 genomin minen sin .
0,619 in mineme grozin sichetage-
0,620 begund er mir vbiliv mere sagin .
0,621 dc ivch . R . hate bi gelegin .
0,622 da hate ich nah uerlorn daz lebin .
0,623 ez ware mir vil sware .
0,624 wan daz man lugenaren .
0,625 niht sol gelovben .

0,626 nu sehint ih drie ime an die ovgen .”
0,627 Frowe h’sint do sprach
0,628 “ich bin div R.ten gesach .
0,629 weiz got in drin tagen .
0,630 h’ isingrin ich sol ivch sagin .
0,631 lant iwer asprachen sin”
0,632 do wart geleidiget isingrin .
0,633 beidenhalben da er was wunt .
0,634 do wart er schiere gesunt .
0,635 R . zoch sich zov vestin .
0,636 er uorhte vromide gesti .
0,637 ein hus worhte er balde
0,638 uon eineme loche in deme walde
0,639 da zoch er sine spise in .
0,640 eines tages do gie isingrin .
0,641 wider dc selbe hus in den walt .
0,642 sin kunb’ d’ was manivalt .
0,643 von hungere leit er arbeit .
0,644 ein last’ was im ab’ gereit
0,645 R . was wol beratin .
0,646 do hat er gebratin .
0,647 ale die irsmacte isingrin .
0,648 er dachte “ach ach diz mac wol sin
0,649 vil harte guot spise .”
0,650 d’ tras begunde in wisin .
0,651 vur sines geuat’ren ture .
0,652 da sazte sich isingrin fure .
0,653 dar in er bozen began .
0,654 R . d’ wund’ kan .
0,655 sprah “wan gan ir von d’ ture .
0,656 dalanc kumit nieman dar fure .
0,657 dc wizzint wol noh her in .
0,658 war tuont ir muodinc uwerin sin .
0,659 wan varn ir hinnen scone .
0,660 ez ist dala-c aftir none”
0,698 “we” sprach isingrin .
0,699 “wanit ir mit senfte paradise bisizzin .
0,700 daz kumet von vnwizzin .
0,701 ir mugint g’ne liden dise not .
0,702 gevat’e svenn ir ligent dot .
0,703 div brod’schaft ist also getan .
0,704 an cehinzit tusint messin sulint ir han .
0,705 deil allertagelich .
0,706 die von citel fuorint dih .
0,707 ze frone himelriche .
0,708 dc weiz ich warliche .”
0,709 Isigrin wende ez ware war .
0,710 beide sin hut un- sin har .

0,711 ruwi- in vil cleine
0,712 er sprach “gauatere nu sol gemeine .
0,713 die ale sin die da inne sint .
0,714 sit wir wurdin gotis kint .
0,715 swer mir ein stücke v’saget .
0,716 ez wirt ze citel geclagit .”
0,717 R . sprach “ez ist dir unv’seit .
0,718 Swaz wir han dc ist din gereit .
0,719 in bruodirlicher minne .
0,720 hie n ist nu-me fisce inne .
0,721 woltint ir gan .
0,722 da wir einen wiger han .
0,723 da ist inne fisce d’ maht .
0,724 ir kan nima- wizzin aht .
0,725 die brovdir leiten sie dr in .”
0,726 “wol hin” sprach isingrin .
0,727 der wiher was vberfrorn .
0,728 dar huobin sie sich ane zorn .
0,729 sie begunden dc is scuowen .
0,730 ein loch was dr in gehauwen .
0,731 da man wazzir uz nam
0,732 dc isingrine ze scade- ka- .
0,733 Sin bruoder hate sin grozin haz .
0,734 eines eimirs ist en weiz wer da uergaz .
0,735 R . was fro daz er in vant .
0,736 sime bruoder er n an den zagel bant .
0,737 do sprach isingrin .
0,738 “in nomine patris waz sol diz sin .”
0,739 “ir sulin den eim’ hie in lan .
0,740 wan ich wil pfulsin gan .
0,741 vn- stant vil sempfticliche .
0,742 wir werdin visce riche .
0,743 wande ih sihe sie durh daz is .”
0,744 R . was los isingrin unwis .
0,745 “sage bruoder in d’ minne .
0,746 ist dehein al hie inne .”
0,747 “ia ez tusint die ich ersehin han .”
0,748 “dc ist mir liep wir suln sie van .”
0,749 Isingrin pflac tumbir sinne .
0,750 ime gefror d’ zagil dr inne .
0,751 div naht was kalt un lieht .
0,752 sin bruodir warnete sin niet .
0,753 R.tis drivwe warin laz .
0,754 er gefror ie baz un- baz .
0,755 “Dirre eimir swerit” sprach isingrin .
0,756 “da han ich gezellit dr in .
0,757 drizic ale” sprach R .
0,758 “diz wirt ein nuzze vart .

0,759 kunnint ir stille gestan .
0,760 zehinzic wellint dr in gan .”
0,761 Als ez do begunde dagen .
0,762 R . sprach “ich wil ivch mere sagin .
0,763 ich furhte wir unsir giticheit .
0,764 uil sere engeltin mir ist leit .
0,765 dc so uil uisce dr inne ist .
0,766 ich ne weiz der zuo neheinen list .
0,767 ir mugint sie niht uz erhebin .
0,768 sehint ob ir sie mugint irwegin .”
0,769 Isingrin geriet zucken .
0,770 dc is begunde drucken .
0,771 den zagel er muoze da stan .
0,772 R . sprach “ich wil gan .
0,773 nah unsirn bruoderi- dar haim .
0,774 dirre gewin wirt niht clein .”
0,775 der dag begunde uf gan .
0,776 R . huob sich dannan .
0,777 isingrin der viscere
0,778 d’ uerna- leide mere .
0,779 er sach einen riter komen .
0,780 d’ hate hunde ze ime genome- .
0,781 isingrine kom er uf die vart .
0,782 dc fiscen ime ze leide wart .
0,783 der riter hiez h’ birtin .
0,784 an iagin kert ir sinen sin .
0,785 dc kam herre- isingrine ze scaden .
0,786 uf d’ uart begund ’ drabin .
0,787 als er isingrine gesach .
0,788 zuo den hunden er do sprach .
0,789 “zuo” un- begunde sie scuffin .
0,790 sie gerietin in sere rupfin .
0,791 Iisingrin beiz umbe sich .
0,792 sich angist der was grozlich
0,793 herre birtin ka- gerant .
0,794 dc swert krift er mit der hant .
0,795 un- irbeizte des was ime gach .
0,796 uf dc is lief er sa .
0,797 daz swert huob er harte ho .
0,798 des uvar der fiscere vil unfro .
0,799 er hate ze uaste geladen .
0,802 swer irhebit dc er niht mac getrage- .
0,803 d’ muz ez under wegin lan .
0,804 als waz ez ovch umbe isingrine- gethan .
0,805 Isingrin was besezzin .
0,806 h’ birtin hate ime gemezzin .
0,807 den rucke wolt er ime inzwei slahin .
0,808 do begunden ime die fuze ingan .

0,809 von me fliffe er nider ka- .
0,810 div gleti ime den swanc na- .
0,811 umbe den sturz er niht en lie .
0,812 an dem kniwin er wider gie .
0,813 div gletin im ab' dem swanc na- .
0,814 dc er heht ubir den zagel kam .
0,815 den sluoc er ime garwe abe .
0,816 sie irhuobin beide groze clage .
0,817 Her birtin do clagete .
0,818 dc er v'misset habete .
0,819 ouch clagite sere isingrin .
0,820 den vil lieben zagil sin .
0,821 den muos er da ze pfande lan .
0,822 do huob er sich dannan .
0,823 R . d' uil hat gelogin .
0,824 d' wirt noh hute betrogen .
0,825 doch gehalf ime sin kundicheit .
0,826 von notlichir arbeit .
0,827 zuo einer cellin er sih huob .
0,828 da wiste er inne huoner genuoc .
0,829 dc in half in niht weiz got .
0,830 sie was wol umbemurot .
0,831 R . begunde umbe gan .
0,832 vor dem tor sach er stan .
0,833 eine- sot dief vn- wit .
0,834 da sach er in dc gerovw in sit .
0,835 sine- scatin er dr inne gesach .
0,836 ein michel wunder nv gesach .
0,837 dc der ergovchete hie .
0,838 der mit listen wunders vil begie .
0,839 R . wande sehin sin wib .
0,840 div was ime lieb alsam d' lib .
0,841 wan dc er sih doh niht wolte unthaben .
0,842 er n mvoste frivndinne haben .
0,843 wande minne git hohen muot .
0,844 da von duhte si in guot .
0,845 R . lachete dar in .
0,846 do zannete d' scate sin .
0,847 des wist er ime michelin danch .
0,848 vor liebe er in de- sot spranch .
0,849 durh starche minne det er daz .
0,850 do wurdin im div oren naz .
0,851 In deme sode er lange swa- .
0,852 uf einen stein er do qua- .
0,853 da leit er uf dc huobet .
0,854 swer diz niht geluobet .
0,855 der sol mir dr umbe niht gebin .
0,856 R . wande sin lebin .

0,857 weiz got da vursprungen han .
0,858 do ka- her Isingrin gigan .
0,859 ane zagel uzer de- walde .
0,860 zuo der celle huob er sih balde .
0,861 er n was noch niht enbizzin .
0,862 ir suln vil wol wizen .
0,863 ein schaf hat er gerne genome- .
0,864 [...] [...]
0,865 vnvirwanet kom er uber den diefin sot .
0,866 des kom sin lib in groze not .
0,867 Isingrin dar in sach .
0,868 nv v'nement rehte waz im geschah .
0,869 sinen scaten sach er dr inne .
0,870 er wande dc frowe h'sint .
0,871 sin drutminne
0,872 ware dar inne .
0,873 isingrin begunde dc huobet sin .
0,874 vil dicke hebin vz vn- in .
0,875 dc selbe det d' inne d' schate sin .
0,876 des bechert er sinen sin .
0,877 frowen hersinde begund er clagin .
0,878 groz laster un- scadin .
0,879 vil harte begund er hven .
0,880 do antwurte im sin don .
0,881 sin stimme div hal in dc hol
0,882 d' sot was lechirheite vol .
0,883 dc wart vil sciene schi- .
0,884 R . sprach "waz mac dc sin ."
0,885 isingrin irgovchet wart .
0,886 er sprach "bist dv dc bruoder R .
0,887 ich frage dich in der minne .
0,888 waz dv dovst dar inne ."
0,889 er sprach "min lib ist dot .
0,890 min sele wunt ane not .
0,891 dc wize-t warliche .
0,892 ich bin in himelriche .
0,893 mir ist div scovle hinne beuolhe- .
0,894 ich kan div kint wol lere ."
0,895 "R . mir ist leit din dot ."
0,896 "so frowe ich mi s dv wonest mit not .
0,897 in d' werlte allerdagelich .
0,898 ze paradysi bin ich .
0,899 vn- han hie mere wunne .
0,900 denne iema- irdenchen kunne ."
0,901 Do sprach isingrin .
0,902 "bruoder vn- geuater min .
0,903 wie ist fro hersint dar komen .
0,904 ich han seltin rovb genomen .

0,905 si en hate dr an ir deil .”
0,906 R . sprach “ez waz ir heil .”
0,907 “nv sage mir geuatere gvot
0,908 wie ist sie umbe daz huob& so verbrovt .”
0,909 “daz dvon ich drutgeselle .
0,910 sie det eine- duc zvo der helle .
0,911 dc hast du dicke wol uernomen .
0,912 zuo paradise mac niema- komen .
0,913 er n muoze d’ helle bekorn .
0,914 da hat si dc huobethar u’lorn .”
0,915 R . wolte da uzze sin .
0,916 siniv ovgen sach isingrin .
0,917 “sage bruoder waz luhtet da .”
0,918 R . antwurte sa .
0,919 “ez ist edil gesteine .
0,920 die karuunkele reine .
0,921 di . da schinent als ein lieht .
0,922 d’ en sihest dv da uze nicht .
0,923 hie sint ovch kuoge vn- swin .
0,924 vn- dc vezizete scafelin .
0,925 ane huote ez hie gat .
0,926 hie ist manig’ slahte rat .”
0,927 “Moht ich iemir komen dar in .”
0,928 sprach d’ dore isingrin .
0,929 “dv tvo als ich dich lere .
0,930 ich wil an dir mir ere .
0,931 bigan nv phlic wizzen .
0,932 in den eim’ solt dv sizzen .”
0,933 vmbe den sot was ez so getan .
0,934 swenne ein eimer begunde in gan .
0,935 dc ein ander vz gie .
0,936 isingrin liht en lie .
0,937 als in sin gevatere lerte .
0,938 wider ostert er sich kerte .
0,939 daz ka- . von vnwizzen .
0,940 in den eimer gienc er sizzen
0,941 R . sin selbes niht v’gaz .
0,942 in den vndirn er do gesaz .
0,943 Isingrin der den scaden na- .
0,944 sime geuatere- er beka-
0,945 rehte in almittin .
0,946 er sprach “bruoder R . war sol ez gelobet sin .”
0,947 “dc sag ich dich gewarliche .
0,948 hie ze himilriche .
0,949 solt u mine- stuol han .
0,950 wand ich dir z harte wol gan .
0,951 ich wil vz in daz lant .
0,952 dv verst dem divuel in die hant .”

0,953 Isingrin gie an den grunt .
 0,954 R . ze walde wol gesunt .
 0,955 vil harte irscaffen was d' sot .
 0,956 ez ware anders isingrines dot .
 0,957 dc paradise duhte in sware .
 0,958 vil gern er dannen ware .
 0,959 Die mvniche muosten wazzer han .
 0,960 do ka- ein bruodir gigan .
 0,961 er zoch die kurbin sere .
 0,962 d' last duhte in mere
 0,963 denne er ie gedate da .
 0,964 vb' den sot gie er sa .
 0,965 vn- v'suohte waz ez mohte sin .
 0,966 do sach er wa isingrin .
 0,967 an deme grunde in deme eimere saz .
 0,968 d' bruoder was nivr laz .
 0,969 in die celle lief er sa .
 0,970 des wart deme bartinge gach .
 0,971 er sagete vremidiv mere .
 0,972 des in deme sode were .
 0,973 "isingrine- ich han gesehin ."
 0,974 die muniche sprachen "hie ist gescehin .
 0,975 gotis rache" do hubin sie sich .
 0,976 dc wart isingrine notlich .
 0,977 der briol na- eine stange .
 0,978 groz un- lange .
 0,979 ein and' nam ein zerc.stal .
 0,980 da wart ein michel gescal .
 0,981 sie huoben ubir den sot . [...] [...]

0,1523 [...] [...] enphan .
 0,1524 des richin kunigis capilan .
 0,1525 er sprach "willichome- edile scribare .
 0,1526 nv suln ir mir sagin mere .
 0,1527 wi ez da ze hove stat .
 0,1528 ich weiz wol ir sint des kuniges rat ."
 0,1529 "Da bist u beclagit sere .
 0,1530 alse lieb dir si din ere .
 0,1531 so kum fur un- entrede dich .
 0,1532 dc gebutit dir der kunic rich ."
 0,1533 R . sprach "h' capilan .
 0,1534 nu suln wir inbizzin gan .
 0,1535 so vare wir ze hove deste baz ."
 0,1536 R.tis triwe waren laz .
 0,1537 "Eine- bvom waiz ich wol .
 0,1538 d' ist guotis honiges wol ."
 0,1539 "nu wol hin des gerte ih ie ."
 0,1540 h' bruon mit . R.te gie .
 0,1541 er wist in da ein vilan .

0,1542 einen wecke hate getan .
0,1543 in ein bloch sere geslagin .
0,1544 d' tievil hate in dar getragin .
0,1545 "h' capilan lieb' friunt min .
0,1546 nu suln ir gemeine sin .
0,1547 vn- werbint mit sinne- .
0,1548 hie sint vil bine- inne ."
0,1549 Vmbe die bine- er doch niht en liez .
0,1550 dc huobet er in dc bluoch stiez .
0,1551 R . den wecke zucte .
0,1552 dc bloch zesamene ructe .
0,1553 Der capilan was gevangin .
0,1554 er muose inbizin lange .
0,1555 h' brvn d' scre "oho ."
0,1556 R . sprach "wie tuont ir so .
0,1557 ich hate ivch wol gewarnot .
0,1558 ivch duont die bine- leider not .
0,1559 inbizzint gemetliche .
0,1560 d' kunic ist so riche .
0,1561 dc er z mir wol uergeltin kan ."
0,1562 do huob er sich danna- .
0,1563 der capilan begunde sich clagin .
0,1564 do gehorte er komi- eine- wagin .
0,1565 des war sin angist grozlich .
0,1566 vil harte stebit er hind' sich .
0,1567 Der mit deme wagine in gesach .
0,1568 nehein wort er do sprah .
0,1569 e er widir in dc dorf kam .
0,1570 ze der kirchen lief er vn- na-
0,1571 die glocgesnuore in die hant .
0,1572 un- lute dc ez scal ubir alliz dc lant .
0,1573 vn- sturmde sere swer dc verna- .
0,1574 vil sciene er zvo deme dorfe kam .
0,1577 Der gebure sagite mere .
0,1578 dc ein ber were .
0,1579 in sime bloche haft .
0,1580 "dc hat getan div gotiscraft .
0,1581 vil wol ich ivch dar gewisin kan ."
0,1582 da huob sich wip vn- ma- .
0,1583 dc warin angistliche dinc .
0,1584 do kam ein stolz spranzinc .
0,1585 da er den bern brune- vant
0,1586 eine- burduz truoc er an der hant .
0,1587 d' capilan horte wol den doz .
0,1588 sin angist der was vil groz .
0,1589 die fuoze sazt er an dc bloch sa .
0,1590 vn- zoch sich uz doch liez er da .
0,1591 beide die ore- vn- die huot .

0,1592 dc honic duhte in niht ze guot
0,1593 danne- huob sich der bote .
0,1594 v'nement von seltsaneme spote .
0,1595 R . vor siner bvrc saz .
0,1596 d' lechirheite ime nie v'gaz .
0,1597 nu mvgint ir horen wie er sprach .
0,1598 do er h' brunen alse bloz sach .
0,1599 er sprach "gvte h' capilan .
0,1600 war hant ir iwer huotelin getan:
0,1601 hant ir z gesezzit vmbe win .
0,1602 owi daz lastir ware min .
0,1603 dc ir da sagetint ze hove mere .
0,1604 dc ich bose wirt ware ."
0,1607 Her brun kan ze hove bloz .
0,1608 do wart sin clage vil groz .
0,1609 dar kamen tier gedrunge .
0,1610 alte vnde ivnge .
0,1611 vn- scowitte- die blatti- breit .
0,1612 do clagit er die gri-me- leit .
0,1613 deme kunige sin capila- .
0,1614 er sprach "diz hat mir R getan .
0,1615 ich gebot ime kunic fur dich
0,1616 druth're nu sich .
0,1617 wie er mich hat gehandelot .
0,1618 mir ware lieb ir der dot"
0,1619 der kunic wart zornic getan .
0,1620 vmbe sinen drut capilan .
0,1621 ime wart sin muot vil sware .
0,1622 waz dr vmbe reht ware .
0,1623 fragit er zehant den biber .
0,1624 er sprach "herre da n ist niet wid' .
0,1629 ich v'teile ime lip vn- guot .
0,1630 vn- swer ime deheinen rat dvot .
0,1631 der sol in ivwerre ahte sin .
0,1632 dc sprich ich bi dem eide min ."
0,1633 der hirc randolt sprach "dc ist reht ."
0,1634 es gevolgete manic gvot kneht .
0,1635 d' elephant sprach irbolgin .
0,1636 "des wil ich niht gevolgin .
0,1637 ein urteil ist hie vur kome- .
0,1638 dc hant ir alle wol vernome- .
0,1639 die in mac niema- wenden .
0,1640 ma- sol nach ime senden .
0,1641 botin vnze an dri stunt .
0,1642 der tivel var ime in den munt .
0,1643 swer liege bi diseme eide .
0,1644 iema- ze leide ."
0,1645 Des wart do gevolgot .

0,1646 des ka- diebreht ze not .
0,1647 d' kunic hiez in vur in stan .
0,1648 er sprach "du solt nach R.te gan ."
0,1649 Do sprach diebreht .
0,1650 "h're dc lan ich an reht .
0,1651 er ist min liebir kunnelinc ."
0,1652 "dv en maht durh dehein dinc .
0,1653 sin vber werdin" sprach randolt .
0,1654 "er sint einandir doch borholt ."
0,1655 Der kvnic gebot im ez an den lip .
0,1656 diebreht sprach "nu han ich cit ."
0,1657 er huob sich harte balde .
0,1658 do vant er in deme walde .
0,1659 sine- neue- R .
0,1660 der kunde manige- vbil art .
0,1661 nu horint wie R sprach .
0,1662 do er sine- neue- ane sach .
0,1663 er sprach "willikome- sippebluot .
0,1664 wie we mir min herze tvot .
0,1665 dc du mich hast v'mite- so .
0,1666 ich ne wart nie gastes so fro ."
0,1667 diebreht sprach "des habe danch .
0,1668 ez duhte oh mih harte la-ch .
0,1669 d' kunic hat mich ze dir gesant .
0,1670 vn- swert sere dc dv ime dc lant .
0,1671 rumist kumis tu vur niet .
0,1672 vf dich clagit alliv div diet .
0,1673 dv hast vil vbile getan
0,1674 dc dv den capilan .
0,1675 wider santest ane hvot ."
0,1676 R sprach "neve gvot .
0,1677 ich gesach h' brun ze ware .
0,1678 niht in diseme iare .
0,1679 wan do mich iagite isingrin .
0,1680 wan sagis tv mir neve min .
0,1681 woltist v sam mir gan .
0,1682 ich gebe dir gerne des ih han
0,1683 ich han hie ein ode hus .
0,1684 da han ich inne manige mus .
0,1685 gehalti- minin gestin .
0,1686 da ni- dv dir die bestin ."
0,1687 div naht was heit' vn- licht .
0,1688 sine- neve- . R . da v'riet .
0,1689 ze deme hus fuort er in sa .
0,1690 diebrehte wart ze der spise ze ga .
0,1691 da lac ein gebur inne .
0,1692 deme michel unminne .
0,1693 R . hate gitan .

0,1694 dc muose uf diebrehten gan .
 0,1695 eine- stric riht er vur ein loch .
 0,1696 also duont gnuoge lute och noh .
 0,1697 R.te was da gelagot .
 0,1698 des kam sin neue in neue in groze not .
 0,1699 dar in was diebrehte gah .
 0,1700 do viel er in den stric sa .
 0,1701 dc gehorte des geburis wip .
 0,1702 siv sprach "uf semmir min lip ."
 0,1705 d' gebur fuor uf un- irsricte
 0,1706 vil balde er krifte
 0,1707 eine hepin mit d' hant .
 0,1708 vn- huop sich da er diebrehten vant .
 0,1709 er wande dc ez ware R .
 0,1710 diebrehtin rov div vart .
 0,1711 vil harte grogezende er screi .
 0,1712 d' gebur sluoc die snuor inzvei .
 0,1713 dc ka- von der vinsterin .
 0,1714 diebreht wolte dannin sin .
 0,1715 dem det ir sciene vil gelich .
 0,1716 wid' uz huob er sich
 0,1717 Des geburis wip da inne .
 0,1718 irhvob ein unminne .
 0,1719 ze deme orin sluoc si in mit d' hant .
 0,1720 vil sciene siv ein schit va-t .
 0,1721 da mite zirbloz siv ime den lip .
 0,1722 wan werinburc dc kamirwip .
 0,1723 so hat ir v'born dc lebin .
 0,1724 si sprach "mir hati got gegeben .
 0,1725 R·ten den hant ir mir genomin ."
 0,1726 "frowe ez ist mir ubile komin ."
 0,1727 sprach d' geberte geburma- .
 0,1728 "nu lant mih iwer hulde han"
 0,1729 diebreht lie die muse da .
 0,1730 danna- wart ime harte ga .
 0,1731 do lief er al die naht .
 0,1732 wider ze houe mit grozir maht .
 0,1733 er vant de- kunic des morgenes fruoz
 0,1734 mit sime stricke gie er da zuo .
 0,1735 do clagite vil harte .
 0,1736 diebreht von Reinharte .
 0,1737 er sprach "kunic ich was in not .
 0,1738 mir wolte . R . de- dot .
 0,1739 frume- in iwer boteschaft .
 0,1740 do beschirnde mih div gotiscraft .
 0,1741 h're ich vn- iwer capilan .
 0,1742 suln ni-me nah ime gan ."
 0,1743 den kunic muote div clage .

0,1744 ovch swar in sin siechtage .
 0,1745 d' zorn gie ime harte nahen
 0,1746 do erscracte er die ez sahen
 0,1747 er gebot dem ebire dc er ime sagete
 0,1748 waz er ze tuonne habete
 0,1749 daz sine boten ane not
 0,1750 waren sus gehandelot
 0,1751 erzurnet was des ebires muot
 0,1752 er sprah "ih verteil ime ere unde guot
 0,1753 unde ze ahte sinen lip
 0,1754 unde z einer witewen sin wip .
 0,1755 vn- ze weisin div ki-t sin ."
 0,1756 "des gevolg ich" sprach isingrin .
 0,1757 der kunic fragite alumbe .
 0,1758 wise vn- tumbe .
 0,1759 ob si es wolte- gevolgin div diett .
 0,1760 crimel in sunde sich do niet .
 0,1761 er sprach "kunic edil vn- guot .
 0,1762 obe nv h' brun sine- hvot .
 0,1763 ane mines neue- schulde hat v'lorn .
 0,1764 so machet er uppige- zorn .
 0,1765 nv hat ovch diebreht .
 0,1766 vil lihte vnreht .
 0,1767 er det . R.te . haz .
 0,1768 dar umbe sol niema- dc .
 0,1769 erteilin dc ist ein ende .
 0,1770 dc iwer ere swende .
 0,1771 odir iwirn hof swache .
 0,1772 des ma- and'swa gelache .
 0,1773 noh durh neheiner slahte mieten .
 0,1774 ma- sol einost noh gebiete- .
 0,1775 h' vur deme neue- mi- ."
 0,1776 Der kunic sprach "dc muost u selbe sin .
 0,1777 dc gebut ich dir an din lebin .
 0,1778 obe got wil dir sol gebin .
 0,1779 din neve dc bote-brot ."
 0,1780 in wart ze lachenne allen not .
 0,1781 Crimeli- des luzil angist nam
 0,1782 sciene huob er sih dannan
 0,1783 unde suohte sine- sicherli-c .
 0,1784 Nu vernement seltsaniu dinc
 0,1785 vn- fremidiu mare
 0,1786 der der gelichezare .
 0,1787 iu kunde git vil gewarlich .
 0,1788 der ist geheizen heinrich .
 0,1789 er hat daz buoch gedihtot
 0,1790 vmbe isingrines not .
 0,1791 swer gihet dc ez gelogi- si .

0,1792 den lat er siner gebe fri .
 0,1793 Nu suln wir h' wid' van .
 0,1794 da wir die rede han v'lan .
 0,1795 ze . R.tis burc ho .
 0,1796 vuor crimel des wart vil vro [...] [...]
 0,1831 ein cruce machet er vur sih .
 0,1832 "d' riche got beware mih .
 0,1833 vor bosin lugenari- .
 0,1834 daz si mih niht beswari- ."
 0,1835 R . ze hove kam
 0,1836 manic tier freisam .
 0,1837 sprach al besundir .
 0,1838 "nu mugint ir sehin wundir .
 0,1839 wa . R . h' gat .
 0,1840 der Hersint gehonit hat .
 0,1841 ez touc newederez ein mist .
 0,1842 d' sie beide hienge uf ein ris .
 0,1843 dc solte nieman clagin niht .
 0,1844 waz solte ir der bousewiht ."
 0,1844a R . gie an den [...] [...] plan
 0,1844b d' kunic hiez in fur sih stan
 0,1845 di irzurnete- gute- knehte
 0,1846 macheten groz gebrehte .
 0,1847 Do clagite sere isingrin .
 0,1848 dc div liebe frowe sin .
 0,1849 ware gehonit do sprah d' capila- .
 0,1850 "er hat ovch an mir laster began .
 0,1853 nu lant in niht entwenkin .
 0,1854 ir suln in heizen henkin .
 0,1855 wa- er ist ze ware
 0,1856 ein v'ratere ."
 0,1857 Scanticler clagite sin kint .
 0,1858 er sprah "kunic wir wizzi- wol dc ir sint
 0,1859 unsir rehtir rihtare .
 0,1860 vo- diu ist uns harte sware .
 0,1861 dc ir so lange lant stan .
 0,1862 disen morder ir suln in heizin han ."
 0,1863 Do sprah der rape diezeli- .
 0,1864 "henki-t herre den neve- min ."
 0,1865 R.tis . liste warin groz .
 0,1866 er sprach "kunic waz sol . dirre doz"
 0,1867 ich bin an manige- hof komen
 0,1868 daz ih seltin han v'nomen
 0,1869 solhe ungezogenheit .
 0,1870 d es war ez ist mir vur ivch leit
 0,1871 Der kunic sprah "daz ist reht ."
 0,1872 do v'bot er ubirbraht
 0,1873 R sprach "uch inbutet den dienst sin .

0,1874 richir kunic meister Bendin
0,1875 ein arzat von salerne
0,1876 der sahe iwer ere g'ne
0,1877 d' zvo alle die da sint
0,1878 beide die alti- vn- die kint
0,1879 gescihet iv an dem libe iet .
0,1880 daz en mugen sie vb'winden niet
0,1881 herre ih was ze salerne .
0,1882 dar umbe daz ih g'ne .
0,1883 vch hulfe von dem ubile
0,1884 ih sihe wol dc uch grubile
0,1885 in dem huobet swaz ez si
0,1886 iu entbiutet meistin bendin .
0,1887 dc ir ezzet dise latewaria ."
0,1890 "dc leist ih" sprah der kunic iesa .
0,1891 vn- liez slifen sinen zorn
0,1892 R . sprah "manic dorn
0,1893 hat mih in den fuoz gestochin
0,1894 in disen siben wochin .
0,1895 dc dovt mir kunic harte we .
0,1896 uch inbietent die arzate me .
0,1897 obe ir iender muget vinden .
0,1898 eine- altin wolf den heizent scinden .
0,1899 ovch muozint ir eins bern hut han ."
0,1900 d' kunic sprah "daz si d' capila- ."
0,1901 da mite genesit ir herre gvot .
0,1902 vz [...] [...]